

INUIT ATAQATIGIIT INATSISARTUNI



UPPA2022/113

04.10.2022

Adam Kristensen

Uunga siunnersuut: Sulisitsisup sulinermik inuussutissarsiuteqartumik ator-feqarnermi atugassarititaasut pillugit ilisimatitsisussaananut Inatsisartut inatsisaat (atorfeqarnermut uppernarsaasarnermut inatsit)

(Isumaginninnermut, Suliffeqarnermut Nunamullu Namminermut Naalakkersuisoq)

Inuit Ataqatigiinniit isumaqarpugut kikkulluunniit sumiluunniit suliffittaarnerminni atorfininnermut isumaqatigiissuteqarnissaat pingaaruteqartoq, ullutsinnimi taammaat-tuaannangimmat.

Pingaaruteqartutut isigaarput, atorfininnermi sulisitsisumiit suliffimmi atugassarititaa-sut sukumiisumik atorfinittumut paasissutigisarnissaat atorfininnermi allagartatigut. Suliffimmi atugassarititaasinnaasut saqqummiussamik ilanngunneqareermata taajoq-qinngikkaluarlugit atorfinittumut ersarissumik allaganngorlugit tunniutissallugit pingaaruteqarluinnartuusoq Inuit Ataqatigiinniit isumaqarpugut.

Inuit Ataqatigiinniit isumaqatigilluinnarparput inatsisip suliffeqarfinni sumi atuutsin-neqarnissaanik siunnersuut, tassalu pisortat suliffeqarfiutaaniippat namminersortut suliffeqarfiutaaniippalluunnit assigiimmik atorneqartussaammat.

Qassimmita ukiorpassuannngortuni misillerfigaat, sulisitsisuniit assigiinngitsutigut eq-qungitsumik pineqarlutik. Maanna inatsisissatut

INUIT ATAQATIGIIT INATSIARTUNI



siunnersuutip atuutilerneratigut sulilertartut aaqqiagiinnginnermi pitsaasumik
illersuutisaqalernissaat Inuit Ataqtigiinniit qujamassuutigalugulu
nuannaarutigaarput.

Maanna aamma sulisooreersut taamaattorli sulilernermit
isumaqtigiissuteqarsiman-ngitsut
isumaqtigiissutiliorfigineqarsinnaangornerat pilertussaavoq. Tamanna aamma
pissusisamisortoq Inuit Ataqtigiinniit isumaqarpugut.

Tamakkuninnga tunngavilersuilluta inatsisissasut siunnersuut Inuit Atqatigiinniit
tamakkiisumik taperserparput. Ataatsimiititaliamullu susassaqtumut
ingerlateqqil-lugu.